

علوم اقتصادیه و اجتماعیه

مجموعه گار

هر آيت برنجي کوني نشر اولنور

مؤسسلي :

احمد شبيب ، رضا نونير ، محمد جابري

مندرجات :

عوامل اجتماعيه : احمد شبيب — قابليت اجتماعيه : بديع
نوري . — حكومت و حريت حقننده سينسرك فلسفه سي : رضا
توفيق . — زده تادييات : فائق زهت — فوق العاده بودجه :
احمد مختار . — فرانسه اختلال كبرى : احمد شبيب . —
نشریات و وقایع اقتصادیه : محمد جاوید . — بيك سكر بوز النمش
ايكي منه سي استقراضك مقاوله نامه سي .

مدیر و صاحب امتیازی :

محمد جابري

امور اداره و تحريره : نور عثمانیه جواریده طين اداره خانه سي

نسخه سي : ۱۰ غروش

استانبول

باب عالی جاده سنده هلال - طبعه سي ، نومرد ۶۶

نثریات و وقایع اقتصادی

۶

بو آئك بزجه اك مهم وقایع مالیه سی فوق العاده بودجه نك قبول و تصدیق و موازنه عمومی، لایحه سنك واردات قسمنك مجلس مبعوثانجه مذاكره ایدیله سیدر .

هنوز عادی بودجه قبول و تصدیق اولونمادینی حالدده فوق العاده بر بودجه نك قبولی موجب حیرت اولاییلیر و اساس اعتباریلده فوق العاده بودجه طریقته مراجعت لازم کلوب کله دیکی مناقشه ایدیله بیلیر .

اوروپاده صوك زمانلرده فوق العاده مصارفك — كه اكثر یا مصارف عسكریه و نافعهدن عبارتدر — عادی بودجه یه ادخالی جهته کیدیلکده در . بو کیفیت ادخالده ایکی صورته اولیور . یا مصارف فوق العاده دن بوصف مستثاکلیاً رفع ایدیلهرك بومصرفلر مصارف عادیه میاننه ادخال اولنیور؛ یا خود بوصف مستثنا محافظه ایدیلهرك عینی بودجه داخلنه صوکنجی بر قسم اولق اوزره فوق العاده مصارف و یا عینی بودجه داخلنده هر نظارته متعلق مصارف عادیه یی متعاقباً او نظارته عائد مصارف فوق العاده قید اولنیور . عادی بودجه لرینی وقت وزمانیله قبول ایتدیرهن مملکتلرده قابل اجرا اولان بو اصوللر بزجه بوسنه ایچون ممکن دکلدی . سنه نك دیرت آئی موقت بودجه لرله کچیردك و بلکه دهها بر ایکی آئی کچیرمك مجبوریت ایلمه سنده بولونه جفر . حال بوکه فوق العاده بوجه یه ادخال ایتدیکمز

واردات فوق العاده نك بر قسمی المزدده ایسه ده دیگر قسمنك نقدہ تحویلی
بر زمان مبدیه متوقف اوله چقندن بوکا مساعده و مأذونیت طلب ایتک
و بوطلی عادی بودجه نك قبوله قدر تأخیر ایله مه مک لازم کلیوردی .
دیگر طرفدن مصارف فوق العاده نك قسم اعظم نك همان اجراسی و یا خود
بومصرفلرک تعهداته همان کیریشله سی اقتضا ایذیوردی که بوده مطلقاً
فوق العاده بودجه نك قبوله وابسته ایدی . نه مالیه نظارتی ، نه ده موازنه
قومیسونی نرده فوق العاده بودجه اصولنک تأسیسنه طرفدار دکدر .
نافعه نظارتنه متعلق فوق العاده بودجه نك - هر نه قدر مقداری تقلیل
ایذیشسه ده - عادی بودجه به ادخال اولوغاسی ده بوکا شاهددر .

ایشته تسریع معاملہ مجبوریتله قبول ایذیان فوق العاده بودجه نك
بوس بوتون مستقل برحاله قالماسی ایچون مالیه نظارتی اخیراً برتدیره
توسل ایله مشیرکه اوده مجلس مبعوثانجه درد - تدقیق اولان موازنه
عمومیه لایحه قانونیه سی موادینک و بونلره متفرع جدوللرک تعدیلله ،
قبول ایذیش اولان فوق العاده واردات و مصرفلرک ده اورایه ادخالدر .
بوصورتله عادی و فوق العاده بودجه لر برلشمش ، وحدت مطلوبه محافظه
ایذیش اوله جقدر .

فوق العاده بودجه نك وارداتی ۰۰۰ ، ۵۰۰ ، ۵۳۲ ، مصارف ده
۵۳۱،۱۶۳،۸۹۱ غروشدن عبارتدر .

واردات فوق العاده بوجه آتیدر :

اولا - اوستریا تضمینات حریه سی (مقداری ۲،۵ میلیون لیرا)
ثانیاً - ییلدیز سراینک انشای تحریسنده نقداً و مؤخرأ تحویلات
اوله ورق الدہ ایذیلدیکی جهت عسکریدن افاده اولنان (مقداری بر میلیون
۶۰۰ بیک لیرا)

ثالثاً — صائیله جق اسکی طوپلرک ائمانه محسوب ایدیلک اوزره بر شرکت طرفندن بلا قاض آوانس ایدیله جک اولان مبلغ (مقداری ۳۰۰ بیک لیرا)

رابعاً — کرک اولجه کرک بالآخره خزینئه خاصه دن مدور اولان و خزینئه مالیه یه و یا جهت عسکریه یه عائد بولنان املاک و اراضی و ابنیه و عرصه لر بدلاتی (مقداری ۹۲۵ بیک لیرا)

اشبو واردات فوق العاده نك برنجیسی قطعیدر، ایکنجیسی خاقان سابقك آلمان بانقهرنده کی نفود و سنداتى هنوز تسلم ایدیله دیکی فقط تسلی محقق اولدینی جهتله قطعی عد اولونا بیلیر؛ اوچنجیسی مقدار اعتباریه مشكوك؛ دوردنجیسی ده زمان اعتباریه شهیدر .

اوچنجی قسمنك مشكوك اولماسی طوپلرک قیمت بالغه سی حکومتجه دوغرو اوله رق تخمین ایدیله مسندن منبشدر . فی الحقیقه بر شرکت موجود طوپلرک قیمتله محسوباً ۳۰۰ بیک لیرا آوانس ایله میکی تعهد ایتمش فقط طوپلرک قیمتی بومقداره بالغ اولما نیجه آوانسك حكومت طرفندن اعاده سی — فائضیه لرلکده — بك طبعیدر . حال بوکه تدقیقات اخیره تکلیف اولنان آوانسه موافقتی استلزام ایدیه میه جک بر ماهیتده اولدقدن بشقه طوپلرک قیمتك ده نهایت النهایه ایکی یوزبیک لیرادن فضله برمقداره بالغ اوله میه جقنی کواسترمکده در .

اساس اعتباریه بو طوپلرک صائیلانه ده اعتراض ایدیلکده و خطرات تاریخیه یی محتوی اولان اشیانك اك عاجل و مبرم احتیاجات ائساننده بيله محافظه سی لزومی درمیان اولمقده در . بولزومی اتیان ایدنلرله تماماً متفقم . فقط طوپخانه اداره سنك بو طوپلر میاننده تاریخیجه اهمیت مخصوصه سی بولنانلری یا خود بویه براهیمته مالکیتلری معلوم اولانلری تفریق ایله دیکی

سویانده بکندن دولاییدر که موازنه انجمنی بوماده بی قبول ایله مشدی .
 دردنجی قسمی ککنجه : بو قسمده کی اراضی ، ابنه و عرصه لار کاملاً
 ضایتلق ممکن اولسه بودجه یه قونیلان ۹۲۵ بیك لیرادن بر ایکی مثلی فضله
 حاصلات آلتیمی ممکندر .

یالکر تقسیم قشالسی ایله تعلیمخانه میدانی بو مقدارک ایکی مثلی
 تأمین ایده یایلر . فقط بونارک صایتیلمی زمانه متوقف و سرمایه دار
 شرکتلره اشلاف عقدینه وابسته در .

بو عرصه لرله مهم بر ایکی چفتلک سنه سی داخلنده صایتیه میه جق اولورسه
 بودجه ده محرر مبلغک الله ایده یالسی ممکن اولاماز .

مع مافیه کرک بو عدم امکان ، کرک طوب قیمتک مقدار تخمیندن دون
 اولماسی حکومتی فوق العاده بودجه دولایسیاده بر آجق قارشیستنه
 بولوندر میه جقدر . کذلک حاصلاتک فضله اولماسی فضله مصارفه میدان
 ویریه جقدر . صرفیات تماماً الله ایده یه جک واردات ایله محدود و مقید
 بولنه جق ، فضله واردات ده صرف اولونمایوب حفظ اولنه جقدر . لایحه
 قانونیه واسباب موجب مضبوطه سنده کی ایضاحات بوجهتتری تأمین ایله مشدر .
 مصارف فوق العاده حربیه ، طوبخانه ، بحریه و مالییه عائددر .

اکمهم قسمی حربیه نظارته مخصوص اولوب ۱۲ - ۳,۲۵۸,۴۶۳
 لیرادن ، ینه عسکری دیمک اولان طوبخانه تخصیصاتی ۱۳ - ۳,۱۷۴,۶
 لیرادن ، ینه عسکری دیمک اولان بحریه تخصیصاتی ۱۶ - ۹۳۹,۱۱ لیرادن
 عبارتدر . مالییه تخصیصاتی ایسه ۵۰ - ۱,۶۱۷,۵۱۸ لیرادر .

مالیه نظارته ویریلن فوق العاده تخصیصات ، موازنه عمومی قانونی
 موجبجه سنین سابقه دیوننه سنه حالیه وارداتندن برشی تخصیص ایده یه میه جکندن

حال بکه سنه سابقه نك تموزدن صوكر اكي ديوني ، دور مشروطيته متعلق بناء عليه در حال واجب التاديه بورجلردن اولمق حسييله بونار قسماً تقابل ايده جك اولان ۴۷۵. بیک لیرا ایله یونان محاربه سنده متضرر اولانلر ایچون تضمینات شخصیه ناميله آلینوب مستحققرینه توزیع ایدیله جك یرده حکومت سابقه جه صرف اولنان و بناء عليه شیمدی تسویه سی ایجاب ایدهن ۸۴,۴۴۵ لیرادن ، ملکیه تقاعد صندیغك خزینه ده کی مطلوباتنه محسوباً و یریله جك اولان ۵۵ بیک و علیه قاعد صندیغك مطلوباتنه محسوباً و یریله جك بش بیک لیرا ایله ۳۲۴ سنه سی اواخرنده عقد ایدیلهن بر میلیون لیرالق آوانسك تادیه سنه مخصوص مبلغدن عبارتدر . ماله نظارتی بو بر میلیون تادیه ایتش ، سنه سابقه دیونیه تضمینات شخصیه نك تادیاتنه باشلامشدر . فقط مصارف عسکریه دهاهم و مبرم اولمق حسیيله بو تادیاتنه بالطبع ایلری کیدیله مه مشدر . اراضی ، املاک ، سندات و تحویلات نقد تحویل اولنجیه تادیات ده تسریع اولنه جقدر . تضمینات شخصیه خصصاتی احتیاجه کافی کله ییله جکسه ده سنه سابقه دیوننه شخص مبالغك دیونی کاملاً تادیه به کفایت ایده جکی ظن اولوناماز .

بحریه نظارتنه و یریلن تخصیصات فوق العاده ۳۲۴ سنه سندن مدور بر بورج ایله آنسالدو فابریقه سنه سپارش ایدلش اولان بر قرو آزورک بر موجب مقاوله ۳۲۵ سنه سنده تادیه سی مشروط تقاضی عیندن عبارتدر . بونلرک بری سنه سابقه به عائدتی ، دیگر کی ده دائمی بر ماهیتی حائر اولماسی حسیيله عادی بودجه به ادخال اولونماشدی .

طو پخانه یه و یریلن تخصیصات ده بعض توسیعات و تعمیرات ایله فشك ، باروت ، قلیج ، قصاطوره ، شراپنل اعمالاتنه و بعض اعمالات مهمه سائر یه

عائده حربه نظارتك تخصیصاتی ایسه اوروپا به سپارش ابدیش فشنكرله
مبايعه اولنه جق قلیچ — فشنك — قوشوم — حیوان — قازمه، كورك —
آلات وادوات — عربه — ملبوسات و لوازم — مالز مه صحیه — ... اثباتی،
استحكامات و قیشلا قره غول انشا آتی مصارفی، بعض مصارف سفریه و نقلیه بی
والبوم سلاح آلتده بولنان عسكرك انسانی ترخیصنده ویریه جك اولان
مطلوبات سابقه لرینی محتویدر .

فوق العاده بودجه نك واردات و صرفیاتی ابتدا متوازن دكلدی .
فقط موازنه مالیة انجمنی عادی بودجه اوچ میلیونه یاقین بر آچیقله
قاپانه جقكن برده آچیقلی فوق العاده بودجه قبول و تصدیقنده کی محاذیری
نظر دقه آله رق مالیة، حربه نظارتلری ایچون ایسته نمش اولان تخصیصات
فوق العاده نك بر قسمی طی ایتش و بونقطه نظر مجلسجه ده مظهر تصویر
اولمشدر .

••

موازنه عمومی لایحه سنك واردات قسمك مذا كره سنه باشلامسی
فوق العاده بودجه نك تصدیقندن دهها مهم بر حادیه ایدی . ۳۲۵ سنه سی
بودجه سنی حكومت بك بویوك مشكلات ایله تنظیم ایده بیلشیدی . موازنه
مالیه انجمنی ده تدقیق اتنده عینی مشكلاته اوغرامشیدی . اكر بودجه نك
ممالك متبده کی اصول مرعیه وجهله مجلس مبعوثانه تقدیم ایدیلشیدی
یعنی اولاً مصرف ثانیاً ایراد قسمك مذا كره اولتماسی لازم كلسیدی بلكه ده
بر آی صوكر آ انجاق مجلسك انظار تصویننه عرضی ممكن اولایله جكدی .
بوكا محل قلامق ایچون قاعده عمومی دن انحراف اولونه رق ابتدا ایراد
بودجه سنك تدقیقنه باشلامشدر . مجلس مبعوثان اوچ اجتماعده عموم

وارداتی تدقیق و تصویب ایتدیکی حالده بدل عسکری به متعلق فصل برقاچ اجتماعی اشتغال ایتمش و نهایت دون حل ایدیه نیشدر. صورت حل ده غیر مسلمله عائد بدل عسکر بنک التماسیه مکلفیت عسکریده ده مساوات تامه دن عبارتدر . عثمانلی حکومتک بو ایلک بودجه سی ۸ قسیدن مرکبدر .

برنجی قسم . -- ۱۱ فصلی مختویدر و « دوغرو دن دوغرویه آلتان واردات » سرلوحه سی حائر در . فصللارده بوجه آتیدر :

املاک ویرکوسی — تمتعات ویرکوسی — بدل عسکری — طرق ومعار مکلفیت شخصیه سی — اغنام ، دوه ، جاموس وجنوار رسمی — اعشار — خصوصی اورمانلر رسمی — معادن رسمی — ویرکو تذکره لری بدلی — خزینه خاصه دن مدور املاک حاصلاتی — حصه اعانه . اینکچی قسم . — قیدیه وتمفا رسمی اولوب اوچ فصلی حاویدر :

تمفا رسمی — خرجلر — قیدیه لر .

اوچنجی قسم . — بالواسطه آلتان ویرکولر اولوب آلتی فصلی

حاویدر :

مسکرات — تنباکو — کهرک — رسوم بحریه — رسوم صحیه —

صید بری و بحری .

دردنجی قسم . — انحصارلر اولوب آلتی فصله آیرنیشدر :

طوز — توتون — تنباکی — باروت — مسکوکات — پوسته وتله غراف .

بشنجی قسم . — حکومته عائد مؤسسات نافعه وصنایع ایشله تمه

حاصلاتی اولوب دورت فصله منقسمدر :

حجاز شمندوفری ایشله تمه حاصلاتی — طولمه باغچه غازخانه حاصلاتی —

مکتب صنایع حاصلاتی — خلیج در سعادت کوپرولری وارداتی .

آلتنجی قسم . — املاک واشیای امیریه اولوب اوچ فصله آیرنیشدر :

املاک امیر به حاصلاتی — فروخت اولنان اشیا بدلی — میری
اورمانلری حاصلاتی .

یدنجی قسم . — مقطع ویرکولر اولوب درت فصلی حاویدر :

مضر وزیلع — قبریس — آینه روز — سیسام .

سکزیجی قسم . — حاصلات متفرقه اولوب ۱۱ فصلی محتویدر :

خزینہ معاملاتدن حاصل اولان واردات — زراعت باقعه لری

تمتعانی — مکتب طبیه حاصلاتی — اختراع براتلری — جزای تقدیلر —

امتیازلی شرکتلر حاصلات و تمکاتندن خزینہ حصه سی — شندوفرلردن

آنان خزینہ حصه سی — امتیازلی قومپانیه لردن تقیش مقصارفنه مقابل

آنان — حجاز شندوفری اعانه سی — حاصلات متفرقه .

اشبو قسملرن شهرینک مقدار حاصلاتی روجه آتیدر :

برنجی قسم	۱۳,۳۵۳,۹۲۹	ایرا
ایکجی قسم	۱,۰۶۲,۱۴۶	»
اوچجی قسم	۴,۵۴۷,۷۱۰	»
دردنجی قسم	۳,۰۳۲,۰۲۷	»
بشنجی قسم	۳۲۵,۸۰۵	»
آلتنجی قسم	۲۶۵,۴۸۱	»
یدنجی قسم	۸۷۱,۳۱۶	»
سکزیجی قسم	۱,۶۰۸,۵۴۸	»
یکون عمومی	۲۵,۰۶۸,۹۶۲	»

برنجی قسم یعنی دوغروندن دوغروه آنان ویرکولر حاصلاتی واردات

عمومیه مرکز نصفندن فضله سنی تشکیل ایله مکده در .

ایلك دفعه ترتیب ایدیش اولان بوبودجده تخمین واردات خصوصند حکومتجه تعقیب اولنان اصول حقیقته الکی زیاده مقارن اوله جق بردستوردر. یکمیش بش سنه نیک تحصیلات وسطیه سی واردات تخمینیه اساس انخاذا ایدیش و بونکله قایمیه رقی بعضی معدلات ایله آشاغییه و یوقارییه دوعرو فوق العاده اولان سنه لریک تأثیراتی ازاله اولمشدر. مثلاً فرض ایدلم که اعشار ویرکوسنیک بش سنه لک حاصلاتی بوجه آتیدر :

۵,۳۸۵,۹۴۶	۳۱۸
۵,۰۰۰,۰۲۲	۳۱۹
۵,۶۷۵,۹۴۰	۳۲۰
۵,۲۰۰,۸۷۵	۳۲۱
۵,۲۹۰,۹۵۰	۳۲۲
<u>۲۶,۵۵۳,۷۳۳</u>	یکون

اولا بریش سنه لک حاصلات یکوننک وسطیه سی بولونمش و ۵,۳۱۰,۷۴۶ رقی استحصال ایدیشدر. صکره بوسنهلردن هر برینک دیکرینه نظراً فضله و یا نقصانی تدین ایدیشدر.

نقصان	فضله	
۳۸۵ ۹۲۴		۳۱۹
	۶۷۵ ۹۱۸	۳۲۰
۴۷۵ ۰۶۵		۳۲۱
	۹۰ ۰۷۵	۳۲۲
<u>۸۶۰ ۹۸۹</u>	<u>۷۶۵ ۹۹۳</u>	

بونلر یکدیگر نندن طرح ایدیلرک حاصل طرح اولان ۹۴۹۹۶ لیرا
 تربیع ایدیلرکدن صوکر ا حاصل اولان ۲۳,۷۴۹ لیرا نقصان جهته عائد
 اولدیلرکدن بش سنه نك وسطی سندن تنزیل ایدلش و ۵,۳۱۰,۷۴۶ —
 $۲۳,۷۴۹ = ۵,۲۸۶,۹۹۷$ لیرا ۲۲۵ سنه سی واردات تخمه سی اوله رق
 قبول ایدلشدر . بوضو رته تخمین ایدلش اولان وارداتك حكوته
 آلدانیه جنی، یعنی واردات حقیقه نك تخمیندن چوق اوزاق حقیقه یه جنی
 قویاً مأمولدر .

تخمین واردات خصوصنده اوروپا مملکتلر ننده اتخاذا ایدیلن اصوللر بزدہ تماماً
 قابل تطبیق دکلدر . بودجه لری سنه مالیه نك حلولندن آراول ترتیب ایدن
 مملکتلر دہ مثلاً انکلتز دہ بش اون کون مقدم ختام بولان برسنه نك ارقامی یاعیناً
 یا خود احوال اقتصادی و مالیه مملکتہ کورہ صحتہ اکثر یا مقارن بر تقدیرہ
 مبتنی اوله رق نقصان و یا فضله سیلہ بودجه یه ادخال اولنور . بوتقدیر ائدہ
 خطا احتمالی پك آذرہ فقط ایستاستیق لری، تحصیل لری، اصول حسابیه لری
 مکمل و منتظم اولان و سنه مالیه نك حلولیلہ بودجه نك زمان ترتیب و قبولی
 آرا سنده پك آز فاصله بولنن مملکتلر دہ پك سهل اولان و پك موفق کارانه
 تطبیق ایدیلن بواصول بزم ایچون شیدیلک شایان قبول دکلدر . بر طرفدن
 وسائط تدقیقه مفقوددر، دیگر طرفدن دہ تقدیرات شخصیه یه مستند اوله جق
 اولان بواصولدہ بودجه نك ارقام خیالیه دولدر و لرماسی احتمالی موجوددر .

انکلتز نظاری تقدیر لر نده وقوع بوله جق کوچوک بر خطایی کندی
 شرف و لیاقتلری سکنه دار ایدہ چک بر معامله کبی تلقی ایدر لر . بزدہ ایسه
 هنوز بوکبی اعتیادات حاصل اولما دقن بشقه اکثر ویرکیلر مزک طبیعت
 و ماهیتی دہ بواصولک قبولنه مانعدر . فرانسه نك استعمال ایندیکی بر بشقه

اصول تخمین وارد در که اوده الكسوك سته نك وارداتی Pénultième année
 اساس اتخاذ ایله مکدر . بو اصول ده بزده تطبیق ایدیله مزدی . زیر ابو تقدیرده
 ۳۲۵ بودجه سی ایچون نتیجه سی معلوم اولان ۱۳۲۳ ارقانی قبول ایتک
 لازم کلیدی . ویرکیلر مزك قسم اعظمی دوغرو دن دوغرویه تحصیل
 ایدیلن ویرکیلردن اولق و مقدار حاصلاتلری فیض و برکته مربوط بولنق
 حسیله برسنه یی معیار و مقیاس اتخاذ ایله مکدن پک یا کلیش بر نتیجه استخراج
 اولنه جتی طبعیدر .

ایشته بوندن دولای بودجه ده قبول ایدیلش اولان اصول تخمین
 حالزه تامیله موافق بواقده یز .

موازنه مالیه انجمنی حکومتک ویردیکی بودجه ده پک آز تعدیلات
 اجرا ایله مشدر . بو تعدیلاتک مطوف اولدینی فصول بوجه آتیدر :

[۱] طرق و معابر — حکومت ۴۰۸,۴۴۴ لیرا اوله رق تعیین ایتشکن
 انجمنجه بوکا ۶۵ بیك لیرا ضم اولمشدر . بولتمش بش بیك لیرانك همان
 نصفی شیدی یه قدر طریق مکلفیتندن معاف اولان استانبول اهالیسنك
 سنوی ویره جکلری یکر می غروشك مقابلی، نصف دیگری ده شیدی یه قدر
 یومیه لری دردر غروش اوله رق تعیین ایدیلش اولان سلاتیک ، از میر ،
 بیروت ، شام ، از مید و قدسك یومیه لری بشر غروشه ابلاغ ایدیله سندن
 متحصلا .

[۲] تمتع ویرکیسی — حکومتجه ۲۹۶,۲۴۷ لیرا اوله رق تعیین
 ایدیلشکن انجمن بوکا ۶۰ بیك لیرا ضم ایله مشدر . بومباغ ده شیدی یه

قدر اصناف تذکره سنه تابع اولوب تممندن معاف اولان استانبول ارباب تجارتك بدل مكلفیتیدر .

اصناف تذکره لرینك حاصلات سنوبه سی ۶۰ بیك لیرا اولدیغندن دولایي بودجه یه بوکا معادل بر مبلغ اداخل اولمشدر .

[۳] بدل عسکری — بدل عسکرینك بوسنه دن اعتباراً الفایدیه جكنی، غیر مسلملر ایچونده مسلملر حقنده تعقیب ایدیله ن اصولك عیناً تعقیب اولونماسی ایجاب ایده جكنی نظر دفته آلان انجمن حاصلاتدن ۴۰۰ بیك لیرایی تنزیل ایله مشدی. بدل عسکرینك غیر مسلملر عائد قسیمی بر میلیون ۲۰۰ بیك لیرا ایسه ده قرعه سی اصابت ایده جك اولانلرك بر مهم قسیمی الی لیرا بدل نقدی ویره جكلرندن و دیگر طرفدن استانبول اهالیسی ده مكلفیت عسکرییه تابع اوله جفندن نقصانك بوندن فضلّه اوله جخی ظن ایدیله من، بوبابده برقرار قطعی اتخاذ ایدیلش اولدیغندن قریباً قرعه كشیده اولونه جق واوزمان بدل نقدی ویره جك اولانلردن آلینه جق مبالغه سنین سابقه بقایای تحصیلاتی سایه سنده بودجه ده کی مبلغ دولدورولایله جكدور .

[۴] رژی اداره سنندن مقطوعاً آلیسان مبلغه رژی تمماتندن خزینه یه و دیون عمومیه یه اصابت ایدن حصه دن اجرای تنزیلات ایدیلشدرکه بوده رفته رسمك نصفه ایندیریلسندن ناشیدر . مصره و بالقان حکومتلرینه کیده ن توتونلر رفته رسمه تابع و بو رسم رژینك حاصلاتی میانه داخلدی . توتون زراع و تجاری رسمك القاسی ایچون تشبثات و مراجعات متوالیه ده بولوندیله انجمن بودجه نك حال حاضرخی و توتونلر منری صابین آلان ملكتلرك احوالی نظر دفته آله رق

(بوغچه) ده نیلین اعلا توتونلرک کافی السابق بالقان حکومتلری ایچون دوت ، مصر ایچون اوچ ؛ عادی توتونلرک ده مصر ایچون ۱،۵۰ غروش رسنه تابع اولماسی و بالقان حکومتلری ایچون رسمن معافیتی قبول ایله مشدر . ایی جنس توتونلر مملکتیزک محصولات ممتازه سنیدن اولدیقندن و ممالک سائر ده یتیشن توتونلر بونلره رقابت ایده میه جکندن رقیه رسنه تابع اولملرنده هیچ بر ضرر یوقدر . حتی رسمن مقداری تزیید بیله ای دیلسه تجارت خالی طاری اولمایه جتی شبهه سزدر . فقط عادی توتونلره ممالک سائر باخاصه یونانستان توتونلری رقابت ایله مکده اولدیقندن اوچ غروش رقیه رسمی بزم بازار رقابتده غالبیزه برمانعه تشکیل ای دییوردی . بوسنه رسمن آلتش یازمه تنزی حسیله ارسالانک تزیید ایده جکی و تنزل رسمن متولد نقصانی حاصلانک بوضو رقه تلافی اولنه جتی محتملدر . اگر بوا احتمال حقیقت پذیر اولورسه کله جک سنه رسم کاملاً الفا ای دیله بیلیر .

[۵] حاصلات متفرقه قسمنک تجهیزات عسکریه اعانه سی فصلنده مندرج داخلی کمرک رسمی ده (۸۶ بیک لیرا) الفا اولمشدر . داخلی کمرک رسملرینک بر مملکتک تجارت داخلیه سی نقطه نظرندن نه قدر مضر اولدی بی و ارسته ایضاحدر . قرون و سطان ، دره بکلت اصولنک جاری اولدی بی زمانلردن قالمش اولان بو رسم بر مملکتک ایالات مختلفه سی منافعنک ضد اولدی بی اساسنه مستند و بناء علیه یکر منجی عصر افکار یله غیر قابل تألیف برویر کیدر .

زده داخلی کمرک رسملری اولجه ممالک اجنبیه ادخال سندن آلتان

رسوم درجه سنده ایدی . صوگرا بونك منطقسزلفی آكلاشيله رق الفاسی جهته كیدلدی. فقط قطعی بر آدیم آتلیق ایجاب ایدركن یاییلامادی. نقلیات بریه دن استیفا اولئان رسوم الغاء نقلیات بحریه دن استیفا ایدیلن رسوم ایسه ابقا اولوندی که بودها بویوك بر منظمزلقدی . برمدت صوگرا رسمك مقداری یوزده آلتیدن یوزده ایکی به تنزیل ایدیلدی و رسم نامیله دكل تجهيزات عسکریه اعانه سی نامیله اخذ واستیفا ایدیلکه باشلادی . ظاهراً رسمك مقداری یوزده ایکیدن عبارتسه ده تاجرلر ایچون موجب اولدینی مشکلات و مصارف نظر دفته آلتیرسه یوزده یدی به تقرب ایدر . خزینه هر نه قدر بورسكم الفاسندن ده سكسان بیک لیرا راده سنده بر ضرره اوغرایه جقسه ده بونك بر قسمی آچیقه چیقاریله جق اولان مأمورلردن تصرف اولنه جق، بر قسمی ده تجارت داخلیه نك ترقیسيله بالواسطه حصوله كله جك بر منفعتله تلافی ایديله جكدر .

بر میلیون الیرادن فضله حاصلات تأمین ایدن منافع وارداتمز شونلردر :

۱ — اعشار ۱۰۲,۳۸۳,۵ (حصه اعانه . تجهيزات حصه سی . خزینه

خاصه املاك مدوره سی حاصلاتی خارجدر)

۲ — كمرک ۳,۹۴۶,۲۴۴

۳ — املاك ۲,۴۳۵,۷۶۴

۴ — اغنام ۱,۶۶۹,۳۴۹

۵ — بدل عسکری ۱,۲۸۹,۶۱۲

بو بش قلم بودجه مزده کی واردات عمومیه نك نصفندن فضله سی

تشکیل ايله مکده در .

ایکجی درجه حائر اهمیت اولان تکالیف شونردر :

حصه اعانه — تجهیزات — تمتع — طرق و معابر — تمفا —
توتون — مصر ویرکیسی — پوسته تلفراف . بونلرک یکونی ده دورت
بوچوق میلیون لیرایی متجاوزدر .

بوایکی قسمک یکونی بودجه مزک ربعنه معادلدر .

بودجه نک مصارف قسمی هنوز موازنه مالیه انجمنجه احضار
ایدیله مشسده تموز نهایتنه قدر کرک مجلس مبعوثان کرک مجلس اعیانجه
اکال تدقیق قویاً محتملدر . آچینگ مقدار قطعیمی حقنده شیمیدن
برشی سوبله مک ممکن اولامازسده ۲,۵ — ۳ میلیون لیرادن فضله
اولمایه جقدر .

۳۰ خیزران ، ۳۲۵

محمد مبارک